

Convenio asinado co Concello

Convenio asinado polo Concello

CONVENIO PARA A CONCESIÓN DIRECTA DE SUBVENCIONES NOMINATIVAS 2024

Vilagarcía de Arousa, na data de sinatura dixital

REUNIDOS:

Dunha parte, **Don Alberto Varela Paz, DNI 35.461.107Y, Alcalde-Presidente** do Concello de Vilagarcía de Arousa, actuando no seu nome e representación, e

Doutra, Dona **ROCÍO LOUZÁN BLANCO, DNI nº 35.453.018J** en representación da Entidade **CENTRO COMERCIAL ABERTO ZONA ABERTA, CIF G36256048**, domiciliada en Rúa Gumersindo Nartallo- nº13 de Vilagarcía de Arousa, código postal 36600 de Vilagarcía de Arousa (Pontevedra)

Ámbalas dúas partes se recoñecen mutuamente a capacidade xurídica necesaria para a formalización do presente Convenio e de común acordo,

EXPOÑEN:

Primeiro: NORMATIVA DE APLICACIÓN: Existe por un lado a lexislación autonómica, “Lei 9/2007 de 13 de xuño, de Subvencións de Galicia” e o “Decreto 11/ 2009 de 9 de xaneiro, Regulamento da Lei 9/2007”. Por outro lado aplicase a lexislación estatal nos seus preceptos básicos: “Lei 38/2003 de 17 de novembro, Xeral de Subvencións” e o “Real Decreto 887/2006 de 21 de xullo, Regulamento da Lei 38/2003” .

Segundo: NORMATIVA ESPECIFICA A Lei Reguladora de Bases de Réxime Local establece a competencia dos Concellos sobre os mercados e consecuentemente da actividade económica comercial, outorgándolles competencias de policía e control administrativos, xestión dos servizos públicos e actividade de fomento.



A lei 38/2003 de 17 de novembro, xeral de subvencións, establece no seu artigo 22.2 a posibilidade de concesión directa das subvencións previstas nominativamente nos orzamentos das entidades locais nos termos recollidos nos convenios e na súa normativa reguladora. Asemade, o artigo 28 da devandita lei establece o procedemento de concesión directa para as subvencións nominativas.

Terceiro: O Concello de **VILAGARCÍA DE AROUSA**, a través da Concellería de Promoción Económica, asume a súa obriga como entidade promotora da actividade económica e comercial no territorio, mediante a previsión, no orzamento vixente, dunha subvención nominativa destinada ao mantemento e promoción do comercio retalista, hostalería e turismo no seu ámbito territorial.

Cuarto: O 2 de agosto de 2024, a presidenta da ASOCIACIÓN DE COMERCIANTES CENTRO COMERCIAL ABERTO ZONA ABERTA, presentou escrito informando que dende o mes de marzo de 2024, os membros da asociación de hostalaría AHITUVI, integráronse na asociación Zona Aberta, e solicitando que a subvención nominativa que anualmente se lle concedía a AHITUVI, se conceda a ZONA ABERTA, **incrementando, por tanto, a contía da axuda ata os 20.000 €**

A efectos de acreditar este extremo, aporta por sede electrónica a documentación seguinte:

- a) Declaración (por duplicado) asinada polos representantes de cada una das asociacións, na que ratifican a integración dos membros da asociación de hostaleiros na asociación de comerciantes e solicitan que a subvención que ata o presente exercicio se concedía a AHITUVI, lle sexa concedida a Zona Aberta.
- b) Acta da sesión de 25 de febreiro de 2024 da Xunta Xeral Extraordinaria da Asociación de Hostaleiros e iniciativas Turísticas de Vilagarcía AHITUVI, na que consta o acordo de disolución da asociación de hostaleiros e integración en ZONA ABERTA.
- c) Acta de Xunta Xeral Extraordinaria da ASOCIACIÓN ZONA ABERTA; celebrada o 29 de novembro de 2023, do acordo de adhesión dos membros da AHITUVI á asociación de comerciantes Zona aberta.

Por este motivo, compre, no presente convenio deixar constancia da modificación indicada, e do incremento da contía da subvención correspondente a ZONA ABERTA en 5.000 €, correspondentes á axuda que ata o presente exercicio se concedía á Asociación de Hostaleiros (AHITUVI).



Tendo en conta que a Asociación de Comerciantes ZONA ABERTA asume as accións de dinamización do sector comercial e turístico do Concello de Vilagarcía, procede para o presente exercicio facer efectiva a subvención nominativa para a dinamización do sector comercial, turístico e hostaleiro, segundo se desagrega:

G36256048_ASOCIACIÓN DE COMERCIANTES ZONA ABERTA	Subv. Gastos campana fomento comercio	4311-48002	15.000, 00 €
	Subv. Actividades promoción turismo	432-48002	5.000,00 €

Quinto: Quedará acreditado o interese público, social, económico ou humanitario da subvención, a través da memoria explicativa das actividades da entidade dentro do termo municipal.

Sexto: O solicitante manifesta non estar en ningunha das situacións que establece o artigo 13.2 da Lei 38/2003 Xeral de Subvencións e o artigo 10.2 da Lei 9/2017 de Subvencións de Galicia, que imposibilitan a obtención da condición de beneficiario, estando ó corrente nas súas obrigas tributarias coa Axencia Tributaria, Seguridade Social, Comunidade Autónoma e Concello de Vilagarcía de Arousa.

CLAUSULAS:

Cláusula I- OBXECTO DA SUBVENCIÓN . A presente subvención ten por obxecto contribuír ao desenvolvemento do sector comercial da nosa cidade para o mantemento e promoción do comercio retalista e a hostalería no ámbito local do Concello de Vilagarcía de Arousa.

Cláusula II- DEVENGO: A actividade a subvencionar son os gastos das **campañas de fomento do comercio local e a hostalería desenvolvidas pola Asociación durante o ano**



2024 (gasto elixible dende o **16 de outubro de 2023** ata o **15 de outubro de 2024**), concedéndose a cantidade de **20.000 €** con cargo ás partidas especificadas.

Cláusula III- A subvención figura nominativamente orzamento vixente, polo que se considera adxudicada dende o mesmo momento da aprobación dos orzamentos e cumprido o trámite de asinar o presente convenio. O órgano competente para a tramitación do gasto é o Alcalde-Presidente ou órgano en quen delegue.

Cláusula IV- O Beneficiario comprométese a destinala devandita subvención para realiza-la actividade fixada, cumprindo o obxectivo contemplado na cláusula I.

Cláusula V- TRAMITACIÓN ELECTRÓNICA MEDIANTE PLATAFORMA DE SUBVENCIONES E REXISTRO ELECTRÓNICO NA SEDE DO CONCELLO: A confección de toda a documentación realizarase a través da **Plataforma de Xestión de Subvencións**, na dirección **<https://vilagarcia.cluber.es>**, na que terán a súa disposición os **Balances, a conta xustificativa e anexos dos modelos normalizados**, e na que obrigatoriamente deberán subir toda a documentación e, unha vez validada, **xerará uns PDFs finais en formato oficial, que deberán ser asinados dixitalmente polo representante legal da Entidade Beneficiaria e, rexistrarse na Sede electrónica do Concello de Vilagarcía de Arousa.**

Cláusula VI- INICIO PROCEDIMIENTO: Para o inicio do procedemento de concesión da subvención é preceptivo que o Beneficiario presente no Rexistro electrónico do Concello (sede.vilagarcia.gal) unha copia asinada electrónicamente do presente convenio xunto co orzamento de gastos e ingresos para o ano **2024** (modelo anexo I), que estarán á súa disposición na Plataforma de Xestión de Subvencións na dirección **<https://vilagarcia.cluber.es>**, dende o momento da súa notificación polo servizo xestor correspondente. Presentaranse no prazo máximo de 15 días a contar dende a recepción do modelo do convenio que será remitido polo departamento do concello que corresponda.

O prazo máximo comezará a contar dende a recepción da notificación de posta a disposición do modelo de convenio na Plataforma de Xestión de Subvencións, transcorrido o cal sen telo presentado, enténdese que renuncia á subvención.



Cláusula VII- PAGO: O pagamento íntegro da subvención será efectivo unha vez realizada a actividade subvencionada, previa presentación da documentación xustificativa da mesma na sede electrónica do Concello de Vilagarcía (sede.vilagarcia.gal), segundo a Lei 39/2015 de Procedemento Administrativo Común das Administracións Públicas. (VER DOCUMENTACIÓN A PRESENTAR NA CLÁUSULA IX E NORMAS DE PRESENTACIÓN DE DOCUMENTACIÓN NA CLÁUSULA X)

Cláusula VIII- PRAZO XUSTIFICACIÓN: A xustificación deberá presentarse o antes posible no Concello, sempre e cando conten con documentación suficiente para xustificar a cantidade concedida (gasto elixible do **16 de outubro de 2023 ao 15 de outubro de 2024**). Non obstante a **data límite para a presentación da documentación xustificativa é o 30 de outubro de 2024**.

Cláusula IX- DOCUMENTACIÓN PARA A XUSTIFICACIÓN: A entidade, a través de instancia dirixida ao Departamento correspondente do Concello (modelos anexos), deberá presentar no Rexistro Electrónico do Concello (sede.vilagarcia.gal) a seguinte documentación xustificativa:

1. Memoria técnica do desenvolvemento das actividades da entidade a data da presentación da xustificación, asinada polo representante legal da entidade, cos seguintes puntos básicos:
 - Introducción/ Xustificación
 - Obxectivos
 - Programación: actividades/servizos desenvolto
 - Persoas destinatarias/beneficiarias
 - Temporalización
 - Recursos utilizados (humanos e materiais)
 - Avaliación e conclusións
2. Anexo II- Conta Xustificativa (ou tamén chamada memoria económica xustificativa) do custo, asinada polo representante legal da entidade, que conterá:

Importe dos gastos realizados e recollidos no Anexo III que deberá ser suficiente para xustificar a subvención nominativa do Concello.



Relación detalladas dos ingresos con que se financiou a actividade (incluíndo todas as subvencións públicas concedidas) con indicación do seu importe e procedencia.

Declaracións segundo os puntos b) ata f) da conta xustificativa.

3. Anexo III- relación de facturas/gastos para xustificar a subvención concedida polo Concello (deberase cubrir todas as columnas do anexo).
4. Facturas orixinais cos requisitos establecidos no R.D. 1619/2012, xustificativas do gasto subvencionado dende o 16 de outubro de **2023** ata o 15 de outubro de **2024** (ou segundo o período de devengo establecido).

Como mínimo conterán:

- i. nº de factura e indicación expresa de que se trata dunha factura, lugar e data de emisión.
 - ii. Denominación social, nif e domicilio de quen expide a factura e do destinatario
 - iii. Descrición detallada (concepto, servizo..) e data de realización da operación.
 - iv. Importe, desglose do IVE con indicación do tipo aplicable e total. Este desglose recollerase nos anexos III e IV.
 - v. Recargos, descontos e retencións aplicables.
5. Ademais nas facturas, deberá acreditarse o seu pagamento da seguinte forma:
 - Deberanse utilizar con carácter xeral e preferentemente os medios de pago electrónicos (transferencia bancaria, tarxetas, talóns nominativos...etc)
 - Cando a factura teña sido pagada mediante transferencia bancaria ou talón deberá aportarse extracto bancario coa dilixencia da entidade bancaria que xustifique a transferencia ou ingreso na conta do beneficiario.
 - As operacións cun importe superior aos 1.000 € non poderán ser pagadas en efectivo, de acordo co previsto na Lei 11/2022, de 9 de xullo de 2022, que modifica o artigo 7 da Lei 7/2012 de 29 de outubro, polo que deberá acreditarse o seu pago mediante o cargo na conta bancaria correspondente, pasando o límite de 2.500 € a



1.000 €, polo que a Entidade deberá ter presente esta modificación aos efectos do cumprimento da lexislación vixente en materia de pagos en efectivo.

- No caso do que o pago non poida facerse por medios electrónicos, deberá aparecer conxuntamente as seguintes indicacións:
 - 1. “pagado” ou “recibín”,
 - 2. data do pago
 - 3. firma e identificación da mesma (DNI ou nome completo de que asina)
 - 4. Selo da empresa.
- 6. No caso de gastos imputables á actividade, como nóminas ou porcentaxes de facturas, deberán acompañarse estas de informe onde se certifique e se explique a porcentaxe aplicable á actividade.
- 7. Anexo IV- Relación de facturas/gastos para xustificar subvencións doutras Administracións Públicas, seguindo as seguintes instrucións:
 - i. A xustificación doutras subvencións públicas realizarase a través da presentación do Anexo IV, presentando un anexo por cada organismo público do que se teña concedida axuda/subvención.
 - ii. De non ter presentada a documentación xustificativa noutros organismos públicos, aportarase igualmente o citado Anexo IV coa relación de facturas afectadas ás citadas subvencións (cumprindo o establecidos nos puntos 4, 5 e 6) ou indicación de que a actividade non está realizada.
- 8. Anexo V- Balance de Ingresos e gastos reais ou realizados. No caso de poderse presentar o balance antes da conclusión da actividade deberá presentarse Avance do Balance de ingresos e gastos realizados ata o momento de presentación da xustificación .
- 9. Anexo VI-Declaración responsable ou Certificados de atoparse ó corrente coas obrigas tributarias e coa Seguridade Social. (Certificados da AEAT, Consellería de Facenda e Seguridade Social). Os certificados deberán ter unha validez suficiente para a tramitación do expediente. Segundo o artigo 11. h) e i) do Decreto 11/2009 de 8 de



xaneiro (Regulamento da Lei de Subvencións de Galicia), unha Declaración Responsable do cumprimento das obrigas tributarias e coa seguridade social substituirá aos certificados sinalados anteriormente nas subvencións para gastos correntes (capítulo IV) e naquelas subvencións para gastos de capital (capítulo VII) nas que a cantidade a outorgar a cada beneficiario non supera os 3.000 €, sempre que os destinatarios das subvencións sexan familias ou institucións sen fins de lucro. Neste caso presentarase o anexo VI.

10. Certificación bancaria do número de conta.
11. Fotocopia DNI do/da representante da Entidade.
12. Fotocopia do NIF da entidade.
13. Certificación expedida polo secretario/a da entidade solicitante, de que a persoa que asina a solicitude é a representante legal da entidade ou documento de nomeamento da mesma.

Unha vez finalizado o exercicio 2024, a documentación económica correspondente á totalidade da actividade deberá estar a disposición dos órganos do Concello que precisen realizar labores de comprobación e/ou fiscalización.

Cláusula X- Forma de Presentación da documentación no rexistro electrónico do Concello

A confección de toda a documentación realizarase a través da **Plataforma de Xestión de Subvencións**, na dirección **<https://vilagarcia.cluber.es>** no que terán a súa disposición **os Balances, a Conta Xustificativa e anexos dos modelos normalizados** e, na que obrigatoriamente deberán subir toda a documentación e unha vez validada, **xerará uns PDFs finais en formato oficial, que deberán ser asinados dixitalmente polo representante legal da Entidade Beneficiaria e, rexistrarse na Sede electrónica do Concello de Vilagarcía de Arousa.**



Tendo en conta que o rexistro electrónico do Concello non admite arquivos que superen na súa totalidade os 10 Mb ou non admite determinados formatos, deberase cumprir as seguintes normas de presentación:

- un pdf que conteña un índice de toda a documentación presentada
- Un pdf por cada anexo.
- Un pdf cos certificados de estar ao corrente coas distintas administracións públicas, no caso que corresponda.
- Un pdf coa documentación que se esixe nos puntos 10 a 13 da cláusula IX do presente convenio e no mesmo orden en que piden.
- Un pdf coa listaxe de facturas (Anexo III)
- Un pdf coas facturas e xustificantes de pago do Anexo III coas correspondentes facturas e os seus xustificantes de pago ordenados do mesmo xeito que aparecen no anexo III e sempre primeiro a factura e seguidamente o seu correspondente xustificante de pago. (exemplo: factura 1 da relación, xustificante da factura 1 da relación, factura 2 da relación, xustificante da factura 2 da relación...etc.).
- Un pdf coa listaxe de facturas entregadas ou a entregar noutras Administracións públicas (Anexo IV) e nos casos que proceda deberá vir acompañado coas correspondentes facturas e os seus xustificantes de pago ordenados do mesmo xeito que aparecen no anexo e sempre primeiro a factura e seguidamente o xustificante de pago. (exemplo: factura 1 da relación, xustificante da factura 1 da relación, factura 2 da relación, xustificante da factura 2 da relación...etc.).
- Calquera outro documento que se queira agregar deberá vir de xeito independente. (PE: informe xustificativo de imputación de gastos de nóminas...etc.)

Toda a documentación deberá vir asinada electrónicamente polo representante legal da entidade.

Os distintos arquivos deberán ter unha denominación acorde co contido do documento que permita a súa localización e identificación.

No caso de que a documentación presentada supere os 10 Mb deberá realizar tantos rexistros electrónicos como sexan necesarios para presentar a documentación, indicando nos sucesivos rexistros o número do primeiro rexistro e numerando en función do número de



rexistros do seguinte xeito: Por exemplo no caso de que sexan necesarios 4 rexistros: 1/4, 2/4, 3/4 e 4/4.

O incumprimento por parte do beneficiario destas normas de presentación será causa de devolución da documentación para subsanar.

Cláusula XI- O beneficiario queda obrigado a reflectir, en toda a publicidade que utilice para a difusión da actividade, a constancia da colaboración económica do Concello, nas condicións que lle sexan fixadas polos responsables do Área de Comunicación.

Cláusula XII- A lingua que se empregará nos distintos soportes de difusión da actividade, será o galego dentro do ámbito territorial de Galicia.

Cláusula XIII- O beneficiario poderá ser requirido polos distintos departamentos do Concello para a presentación de calquera outra documentación que sexa necesaria.

Cláusula XIV- CAUSAS DE REINTEGRO- Procederá o reintegro da subvención sempre que se dean calquera das circunstancias que se establecen nos artigos 32 e seguintes da Lei 9/2007 de Subvencións de Galicia ou nos artigos 36 e seguintes da Lei 38/2003 Xeral de Subvencións.

Cláusula XV- PUBLICIDADE DA AXUDA. Una vez aprobada a concesión da subvención, darase publicidade á axuda concedida no Taboleiro de Anuncios da Sede Electrónica Municipal do Concello de Vilagarcía de Arousa (sede.vilagarcia.gal) así como na Base de Datos Nacional de Subvencións, de acordo coa lei 38/2002, de 17 de novembro, xeral de subvencións.

Cláusula ADICIONAL INFORMATIVA:

1. Considéranse gastos subvencionables, aqueles que de maneira indubidable respondan á natureza da actividade e se realicen dentro do exercicio 2024 e segundo o disposto no art. 29 da Lei 9/2007 de 13 de xuño de Subvencións de Galicia.



2. Deberá xustificarse o 100% do importe subvencionado para a percepción íntegra da subvención, unha menor xustificación dará lugar a un recoñecemento proporcional da axuda comprometida.

Nestes termos queda redactado o presente convenio, no contido do cal as partes intervinientes afirmanse e ratifican, asinándoo, por duplicado e a un só efecto, na data no encabezamento expresada.

Vilagarcía de Arousa, na data de sinatura dixital

Asdo. O Alcalde Presidente
Alberto Varela Paz

A Presidenta Asoc. Comerciantes
Rocío Louzán Blanco